

ამბროლაურის მთაშვე



ამბროლაურის
მუნიციპალიტეტი

№9 (9904) ◆ სექტემბერი, 2023 წელი ◆ ფასი 50 თეთრი ◆ გაზეთი გამოდის 1933 წლის 3 მაისიდან

სასაზოგადოებრო პროცესი განახლდა

15 სექტემბერს ქვეყნის მასშტაბით სასწავლო პროცესი განახლდა. ამბროლაურის მუნიციპალიტეტის - 22 საჯარო სკოლაში 1032 მოსწავლისათვის ახალი 2023-2024 სასწავლო წელი დაიწყო. დაიწყო სახეიმი ვითარებაში, ამაღლებული განწყობით და იმ იმედით, რომ იქნება წარმატებული. ეს დღე განსაკუთრებულად შემორჩება იმ 89 პირველკლასელის მეხსიერებას, რომლებიც პირველად მიუჯდნენ მერხებს, სადაც მათ საჩუქრად ელოდათ პორტაბელური კომპიუტერები და სხვა სასწავლო ნივთები.

მუნიციპალიტეტში არსებულ ყველა სკოლას აქვს მდიდარი ტრადიციები, ისტორია, მაგრამ წლებგანდელი სხვებისაგან მაინც გამორჩეული აღმოჩნდა სოფელ ველევის საჯარო სკოლისათვის. სკოლა 150 წლის იუბილეს აღნიშნავს. შესაბამისად მას საპატიო სტუმრებიც მრავლად ყავდა. ამიტომ სიმბოლური დატვირთვა ჰქონდა ამბროლაურის მუნიციპალიტეტის საკრებულოს თავჯდომარე **ასლან საგანელიძესთან** ერთად რეგიონში სახელმწიფო რწმუნებულის **პაპუნა მარგველიძის** მილოცვას თითოეული პედაგოგის, მოსწავლის, სტუდენტისა და სრულიად აკადემიური საზოგადოებისადმი ველევის საჯარო სკოლიდან.

სახელმწიფო რწმუნებულმა დამსწრე საზოგადოებას გააცნო ცენტრალური და ადგილობრივი თვითმმართველობების მიერ საგანმანათლებლო ინფრასტრუქტურის განახლებისა თუ ზოგადად განათლების სფეროს განვითარების კუთხით განხორციელებული ღონისძიებები და სამომავლო გეგმები. სიამაყით აღნიშნა, რომ წელს რეგიონში, კერძოდ ამბროლაურის პირველი საჯარო სკოლაში პირველად ჩატარდა ეროვნული გამოცდები და 130-ზე მეტმა აბიტურიენტმა წარმატებით გაიარა მისაღები გამოცდები. მან სკოლის დირექტორს ქალბატონ **ეკატერინე ჭიჭინაძეს** მიულოცა ღირსეული ჯილდოს - დამსახურებული მასწავლებლის წოდების მიღება და სკოლის კოლექტივთან ერთად წარმატებები უსურვა სამომავლო, პროფესიულ საქმიანობაში (თემის გაგრძელება მე-3 გვერდზე).



ძვირფასო ბავშვებო და პედაგოგებო, გილოცავთ ახალი სასწავლო წლის დაწყებას! გისურვებთ, რომ ეს წელი ყოფილიყოს მშვიდობიანი და წარმატების მომტანი თითოეული თქვენგანისთვის. განსაკუთრებით ვულოცავ პირველკლასელებს, რომელთათვის დღევანდელი დღე ყველაზე მეტად გამორჩეული და მნიშვნელოვანია.

ჩემთვის ძალიან სასიამოვნოა, რომ ჩვენი ახალგაზრდები ყოველ წელს გამორჩევიან მიღწეული წარმატებებით და დარწმუნებული ვარ ეს ტენდენცია კვლავ გაგრძელდება. მინდა დიდი მადლობა გადავუხადო ჩვენს ღირსეულ პედაგოგებს, რომლებიც ძალისხმევას არ იშურებენ და თავდაუზოგავად შრომობენ ახალგაზრდა თაობის განათლებისთვის.

ზვიად მხეიძე,
ამბროლაურის მუნიციპალიტეტის მერი



სასწავლო პროცესი განახლდა სკოლამდელ დაწესებულებებშიც. ვულოცავთ მუნიციპალიტეტის საბავშვო ბაღების 300 აღსაზრდელს.

თანაღგოგა გემრს ნიუნაშს

სამწუხაროდ შოვის ტრაგედიის შემდგომ სტიქიამ პრობლემები გურიშიც შექმნა და სრულიად საქართველოსთან ერთად რაჭა-ლეჩხუმისა და ქვემო სვანეთის რეგიონი მხარში დაუდგა დაზარალებულ მოსახლეობას. სახელმწიფო რწმუნებული **პარმენ მარგველიძე**, მოადგილეებთან - **ქრისტინა კობახიძესთან**, **ალუდა თუთისანთან**, **ბერდია ჩანქსელიანთან**, რაჭა-ლეჩხუმ-სვანეთის მაჟორიტარ დეპუტატთან - **გონა ენუქიძესთან**, ასევე ცაგერის მუნიციპალიტეტის მერთან - **ლევან ზალკალიანთან** და ლენტეხის მუნიციპალიტეტის მერთან - **გია ონიანთან** ერთად გურიის რეგიონში იმყოფებოდა. და მხარეში შემავალი მუნიციპალიტეტების ჩართულობით შეგროვებული ჰუმანიტარული ტვირთი პირადად გადასცეს მხარის ადმინისტრაციას, რომელიც საჭიროების მიხედვით მუნიციპალიტეტებში გადანაწილდება.

მხარის რწმუნებულმა მადლობა გადაუხადა მუნიციპალიტეტების ხელმძღვანელ პირებს ჰუმანიტარული ტვირთის შეგროვების პროცესში ოპერატიულიად მონაწილეობისთვის, გულწრფელი სამხმარი გამოუცხადა სტიქიის შედეგად, გარდაცვლილთა ოჯახის წევრებს, ახლობლებს, გურიის მხარეს და სრულიად საქართველოს.

მიზანი - ბენეფიციართა შეხიდება

ამბროლაურის მუნიციპალიტეტის მერიაში „სოციალური პროგრამებისა და სოციალური საკითხების შემსწავლელი ჯგუფის მორიგ სამუშაო შეხვედრაზე კომისიის თავჯდომარე **თამარ ქვეანაშვილმა**, წევრებთან ერთად, განიხილა ბენეფიციართა ის განცხადებები, რომლებიც ზამთრის თბობისთვის ერთჯერადი ფულადი დახმარების მიღებას შეეხებოდა.

სოციალური და ჯანდაცვის სამსახურის ხელმძღვანელის - **მარიკა დვალის** განმარტებით, მერიის სოციალური პროგრამის ფარგლებში ზამთრის თბობისთვის ერთჯერადი ფულადი დახმარება მუნიციპალიტეტში მცხოვრებ, განსაკუთრებული საჭიროების მქონე 200 ოჯახს გადაეცემა.

კომისიის სხდომაზე განიხილულ იქნა აგრეთვე „ბავშვის უფლებების დაცვისა და მხარდაჭერის პროგრამის“ ფარგლებში მიმდინარე აქტივობები. აღინიშნა, რომ მიმდინარე წელს პროგრამის ფარგლებში, რომლის მიზანია სხვადასხვა საჭიროების მქონე ბავშვიანი ოჯახების მხარდაჭერა და გაძლიერება, დახმარება უკვე 50-მდე ოჯახს გაეწია.

ამბროლაურის მუნიციპალიტეტის მერიის ბავშვის უფლებების დაცვისა და მხარდაჭერის განყოფილება, 2022 წელს ჩატარებული კვლევის საფუძველზე, ახორციელებს პროგრამას, რომელიც მიმართულია ბავშვთა უფლებების დაცვის, ბავშვებისა და მათი ოჯახების მხარდაჭერის, ფიზიკური თუ სოციალური გაძლიერებისთვის. პროგრამის შესაბამისად გაიცემა ერთჯერადი ფულადი დახმარება, რომელიც ითვალისწინებს ბავშვისთვის აუცილებელი ღონისძიებების განხორციელებას.

პროგრამის ფარგლებში, სოციალური საფრთხის წინაშე მყოფ ბავშვებზე (მათ ოჯახებზე), გაიცემა ერთჯერადი ფულადი დახმარება 500 ლარის ოდენობით, ხოლო ბავშვიანი ოჯახებზე, რომლებიც სხვადასხვა მიზეზების გამო განიცდიან კრიზისულ მდგომარეობას ან შექმნილი სირთულეებიდან გამომდინარე საჭიროებენ მხარდაჭერას დროის უმოკლეს პერიოდში ბავშვის საჭიროებისა და საუკეთესო ინტერესების გათვალისწინებით, გაიცემა დახმარება 2 000 (ორი ათასი) ლარის ოდენობით.

ოჯახების დაფინანსების შემდეგ, ბავშვის უფლებების დაცვისა და მხარდაჭერის განყოფილება ახორციელებს ოჯახების მონიტორინგს დარიცხული თანხის მიზნობრივად გამოყენების თვალსაზრისით.

ინფორმაცია

ინფორმაცია

ამერიკის საელჩოს თავდაცვის სფეროში თანამშრომლობის სამსახურმა (ODC) ამბროლაურის რეგიონული ჯანდაცვის ცენტრს კომპიუტერული აღჭურვილობა 6 კომპიუტერი და 4 პრინტერი გადასცა.

კომპიუტერული ტექნიკის გადაცემის პროცესს ესწრებოდნენ ამბროლაურის მუნიციპალიტეტის საკრებულოს თავმჯდომარე **ასლან საგანელიძე**, მერი **ზვიად მხეიძე**, მოადგილე **თამარ ქვეანაშვილი**, ამბროლაურის რეგიონული ჯანდაცვის ცენტრის მენეჯერი **ეკა მურუსიძე**.

პროექტი მიზნად ისახავს ადგილობრივი მოსახლეობისთვის მიწოდებული სერვისების ხარისხის გაუმჯობესებას და ხელშეწყობას (კერძოდ, პაციენტების ისტორიების და სხვა მნიშვნელოვანი დოკუმენტაციის ელექტრონული ფორმით არსებობას და შენახვას).



გაიმართა ამბროლაურის მუნიციპალიტეტის მეორე მოწვევის საკრებულოს ორმოცდამეხუთე (მორიგი) სხდომა, რომელმაც მოისმინა და დამაკმაყოფილებლად შეაფასა მუნიციპალიტეტის მერიის საფინანსო სამსახურის უფროსის ბ. კობახიძის ანგარიში სამსახურის მიერ 2023 წლის იანვრიდან სექტემბრამდე გაწეული საქმიანობის შესახებ.

აღინიშნა, რომ მერიის საფინანსო სამსახური საქმიანობაში ხელმძღვანელობს ადგილობრივი თვითმმართველობების შესახებ „საქართველოს ორგანული კანონის“, საქართველოს საბიუჯეტო კოდექსის, მუნიციპალიტეტის საკრებულოსა და მერიის დებულებების, აგრეთვე სხვა ნორმატიული აქტებით. შესაბამისად მუნიციპალიტეტის 2023 წლის პროგრამული ბიუჯეტის დამტკიცების შემდეგ მოხდა შემოსავლებისა და გადასახდელების ბიუჯეტის ელექტრონული მომსახურების ebudget სისტემაში შენახვა თავიდან წლიურ, შემდეგ კვარტალურ ფაილებში (ყველა პროგრამულ კოდეზ გამყოფილი საბიუჯეტო ასიგნება დაყოფილია კვარტალების მიხედვით).

მუნიციპალიტეტის 2023 წლის 8 თვის ბიუჯეტის პარამეტრები ასეთია. შემოსულობები 13440.5 ათასი ლარი. მათ შორის: 1. გადასახდელები 7725.5 ათასი ლარი. აქედან ქონების გადასახადია 898,4 ათასი ლარი, ხოლო დამატებული ღირებულების გადასახადი 6827.1 ათასი ლარი. 2. გრანტები 4720.6 ათასი ლარი. 3. სხვა შემოსავლები 629.9 ათასი ლარი. 4. არაფინანსური აქტივების კლება 364.5 ათასი ლარი.

გადასახდელებმა შეადგინა 14729 ათასი ლარი. ხარჯებია 7933.2 ათასი ლარი. მათ შორის სოციალური უზრუნველყოფა 466.2 ათასი ლარი.

სხდომამ დაამტკიცა აგრეთვე ამბროლაურის მუნიციპალიტეტის საკრებულოს 2023 წლის მეოთხე კვარტალის სამუშაო გეგმა.



კონფერენცია

ამბროლაურის მუნიციპალიტეტმა ამ დღეებში საქართველოს რესპირაციული ასოციაციის 44-ე რეგიონულ კონფერენციას უმასპინძლა. კონფერენციაში მონაწილეობას იღებდნენ სხვადასხვა პროფილის ექიმები, სამედიცინო კომპანიები და რაჭა-ლეჩხუმისა და ქვემო სვანეთის ჯანდაცვის სფეროს წარმომადგენლები.

სამედიცინო კონფერენცია გახსნეს საქართველოს რესპირაციული ასოციაციის პრეზიდენტმა, პროფესორმა ვახტანგ ქაცარავამ და ასოციაციის რეგიონულმა ხელმძღვანელმა სოსო კუჭავამ.

კონფერენციის სტუმრებმა მოისმინეს მოხსენებები რესპირაციული დაავადებებისა და მწვავე ვირუსული ინფექციების შესახებ.

ლონისძიების მონაწილეებს მიესალმა ამბროლაურის მუნიციპალიტეტის მერიის სოციალური და ჯანდაცვის სამსახურის ხელმძღვანელი მარიკა დვალი, ისაუბრა ჯანდაცვის მიმართულებით მუნიციპალიტეტში არსებულ პროგრამებსა და დაგეგმილ ღონისძიებებზე. მან მადლობა გადაუხადა კონფერენციის ორგანიზატორებს და აღნიშნა რომ მსგავსი კონფერენციები ხელს უწყობს ინოვაციური მიდგომებით ცოდნისა და იდეების გაცვლას.

დასრულების ეტაპზე ბარაკონის ღვთისმშობლის ეკლესიის ეზოს გალავნისა და მიმდებარე ტერიტორიის კეთილმოწყობის სამუშაოები. პროექტი დაფინანსებულია რეგიონების განვითარების ფონდის მიერ და მისი ჯამური ღირებულება 368 204. 82 ლარს შეადგენს. განახლებული ინფრასტრუქტურა და კეთილმოწყობილი სივრცე შესაძლებლობას მისცემს მომლოცველებს და ტურისტებს დატკბენ, როგორც ტაძრის სიდიადით ისე უნიკალური ხედვით.



არქივი - ქვეყნის მახსიერება

1918 წლის 26 მაისს, საქართველოს დამოუკიდებლად გამოცხადების შემდეგ ქვეყნის დღის წესრიგში დადგა საარქივო მასალების თავმოყრის აუცილებლობის საკითხი, რაზედაც ამავე წლის ივნისში დაიწყო კიდევ არქივების ორგანიზებისა და საარქივო ფონდების შესახებ მუშაობა.

არქივის შექმნის საჭიროებასა და მნიშვნელობას განსაკუთრებულად უსვამდა ხაზს 1920 წლის 12 იანვარს საქართველოს დემოკრატიული მთავრობისადმი მიმართულ წერილში ისტორიკოსი, საზოგადო მოღვაწე და საქართველოს დამფუძნებელი კრების პრეზიდიუმის წევრი ექვთიმე თაყაიშვილი.

1920 წლის 23 აპრილს მიღებული კანონით საქართველოში დაარსდა პირველი საარქივო დაწესებულება – ცენტრალური სამეცნიერო არქივი. ე.ი. საქართველოს ეროვნული არქივი, სადაც ინახება ჩვენი ქვეყნის მახსიერება.

არქივის სისტემაში 4-ცენტრალური არქივია წარმოდგენილი: საისტორიო, უახლესი ისტორიის, კინო-ფოტო-ფონო დოკუმენტებისა და ქუთაისის ცენტრალური არქივები.

ეროვნულ არქივში დაცული მასალა მოიცავს საქართველოს ისტორიის დიდ ქრონოლოგიურ მონაკვეთს და მსოფლიო ისტორიის ფართო გეოგრაფიულ არეალს.

საქართველოს ეროვნული არქივის საცავებში ინახება ეტრატისა და ქალაქის ისტორიული საბუთები, ხელით გადაწერილი, მანქანაზე ნაბეჭდი თუ თანამედროვე ელექტრონული დოკუმენტები, სხვადასხვა ტიპისა და შინაარსის კოლექციები, პირადი არქივები, მმართველობითი ფონდები, ფოტოები, ნახატები, ნახაზები, რუკები, აფიშები. მემორიალური ნივთები.

საქართველოს ეროვნული არქივში IX-XIX საუკუნეების 1000- ზე მეტი ხელნაწერი ინახება, ისტორიული საბუთების დედნების კოლექციაში XI-XIX საუკუნეების 10 000-ზე მეტი დოკუმენტია გაერთიანებული, უძველესი ფოტოები კი 1858 წლით თარიღდება, ფოტოგრაფ ალექსანდრე ივანიცკის ალბომში თბილისისა და მცხეთის ფოტოებია შენახული.

საქართველოს იუსტიციის სამინისტროს ეროვნულმა არქივმა და ქართულმა გენეალოგიურმა საზოგადოებამ დაიწყეს ერთობლივი პროექტი, რომელიც სხვადასხვა არქივში, მათ შორის საქართველოს ეროვნულ საარქივო ფონდში დაცული დოკუმენტების საფუძველ-

ზე ქართული გვარების გენეალოგიის შედგენას ითვალისწინებს. პროექტის ფარგლებში მომზადდება გამოცემათა სერია.

ცნობილი გენეალოგი, ქართული გენეალოგიური საზოგადოების დამფუძნებელი, საერთაშორისო გენეალოგიური აკადემიის ნამდვილი წევრი იური ჩიქოვანი ამ ეტაპზე იკვლევს ქართლის ხუთი გვარის – ამირჯიბების, თარხან-მოურავების, ფალავანდიშვილების, მალალაშვილების და თავთაქიშვილების გენეალოგიას. გამოცემაში შესულ იქნება, აგრეთვე, მოკლე ცნობები ამ გვარების წარმომადგენელთა ცხოვრებასა და საქმიანობის შესახებ, რომელიც კომენტარების სახით დაერთდება გენეალოგიურ ნუსხას.

გამოცემაში გენეალოგიურ სქემებსა და კომენტარებთან ერთად, წარმოდგენილი იქნება ისტორიული მიმოხილვა ზემოთ ჩამოთვლილი გვარების შესახებ, ბიბლიოგრაფია და ანბანური საძიებელი, ასევე, ეროვნული არქივის კინოფოტოფონო არქივში დაცული, დასახელებული გვარების ცნობილი წარმომადგენლების ფოტოები.

არქივში დოკუმენტების შენახვა და დაცვა ხდება სრული წესების დაცვით. არის ტიპური შენობები და ეტაპობრივად ხდება თითოეულ საქმეზე იმ პროცესების ჩატარება, რომელიც საჭიროა მის სრულად შენარჩუნებაზე.

საქართველოს ეროვნულ არქივში ინახება ჩვენი კუთხის – რაჭის უმნიშვნელოვანესი ფოტოები, რომელთა ხილვის შესაძლებლობა მრავალრიცხოვან დამთვალიერებელს მიეცა რამოდენიმე წლის წინ ქ. ამბროლაურში გამართულ გამოფენაზე. აღსანიშნავია, რომ აღნიშნული სურათები და 6 წუთიანი ფირი აკაკის მოგზაურობა რაჭა-ლეჩხუმში ეროვნული არქივის გენერალურმა დირექტორმა საჩუქრად დატოვა ჩვენს რეგიონში.

ამბროლაურის არქივი ამჟამად გადატანილია ქუთაისის ცენტრალურ არქივში. დღეის მდგომარეობით გვაქვს მმართველობითი 119-ზე მეტი ფონდი, პირადი შემადგენლობის 106-ზე მეტი. ბუნებრივია ყოველწლიურად ხდება არქივის შევსება. ადგილზე მისვლით ორგანიზაციებში შემონახვის შედეგები, საარქივო საქმის წარმოებაზე, საბუთების შენახვასა და დაცვაზე, მიწოდება საქართველოს ეროვნულ არქივის შესაბამის განყოფილებას ოქტომბრის დასაწყისში.

ჭიდაობა

სერბეთის დედაქალაქ ბელგრადში თავისუფალი სტილით ჭიდაობაში გამართულ მსოფლიო ჩემპიონატში ეროვნულ ინტერესს ჩვენი კუთხის ოთხი წარმომადგენელიც იცავდა. მათგან სამი ამბროლაურის საჭიდაო კლუბის „ფალავანი“ აღზრდილი, რომელთაგან **ვლადიმერ გამყრელიძე** (79 კილოგრამი წონითი კატეგორია) ვერცხლის მედლითა და ვიცე ჩემპიონის ტიტულით დაბრუნდა სამშობლოში. მას გულშემატკივრებმა მშობლიურ ქალაქში განსაკუთრებული დახვედრა მოუწყვეს.

ლონისძიებს სახელმწიფო რწმუნებული **პაპუნა მარგველიძე**, პირველი მოადგილე **ქრისტინა კობახიძე**, ამბროლაურის მუნიციპალიტეტის საკრებულოს თავმჯდომარე **ასლან საგანელიძე**, მუნიციპალიტეტის მერი **ზვიად მხეიძე**, მერის მოადგილე **დავით გოგლიძე** ესწრებოდნენ.

თავისუფალი სტილით მოჭიდავეთა მსოფლიო ჩემპიონატზე გამარჯვებულ სპორტსმენს ამბროლაურის მუნიციპალიტეტისგან მადლობის სიგელი და ფულადი ჯილდო გადაეცა. მადლობის სიგელი გადაეცა აგრეთვე მის მწვრთნელს – **ლევან ბარსონიძეს**, რომელმაც არაერთი წარმატებული სპორტსმენი აღუზარდა ქვეყანას.



დასაქმების სახელმწიფო პროგრამის ამოქმედებით ნამდვილად ამოისუნთქა სოციალურად დაუცველთა ბევრმა ოჯახმა. ამბროლაურის მუნიციპალიტეტში 400-ზე მეტი მოსარგებლეა. მათი უმეტესება სწორად ათვისებულ პროგრამის დანიშნულებას და კეთილსინდისიერადაც ასრულებს ხელშეკრულებით გათვალისწინებულ დავალებამოვალეობას. მათ შორის ჯვარისაში დასაქმებულ მოსარგებლეთა ნაწილიცაა, რომლებიც ამ ფოტოზე სასოფლო გზის განმედიის პროცესში ავლენენ, მაგრამ გაგვიკვირდა, რომ სამუშაოს ოჯახებიდან გამოტანილი ირალეებით ასრულებდნენ და ელემენტარულად მათთვის ხელთათმანებიც კი არავის შეუთავაზებია.

არადა ვიცით, რომ დასაქმების სააგენტო საჭიროებების კუთხით ხშირად სვამს კითხვებს. იქნებ დროა ვისაც ხელნიფება მიხედოს ამ საქმეს და იმასაც, რომ ვინც მუშაობს მას არ დააკლდეს ანაზღაურება, ხოლო ვინც თაღლითობს მან სრულად ვერ მიიღოს. სამწუხაროდ არის ამის ფაქტები.



კარგი ინფორმაცია მოგვანოდეს ჩვენებურებმა ესპანეთიდან და ჩვენც სიამოვნებით ვაუწყებთ მკითხველს, რომ ესპანეთის ქალაქ ოურენსში, **მონტერეის ისტორიულ ციხესიმაგრეში** გუდასტივრის შემსრულებელთა 38-ე საერთაშორისო ფესტივალი გაიმართა, რომლის ფარგლებში ქედის კულტურის ცენტრის თანამშრომლებმა – ოსტატ-შემსრულებელმა მურად თავართქილაძემ და ეთნომუსიკოლოგმა, ანსამბლ „იაგუნდის“ ხელმძღვანელმა ლოლიტა სურმანიძემ მრავალრიცხოვანი აუდიტორიის წინაშე ჭიბონის და გუდასტივრის მრავალფეროვანი რეპერტუარი, ქართული ტრადიციული გუდასტივრების შესახებ პრეზენტაცია წარადგინეს. ფესტივალის პროგრამის ფარგლებში განხორციელდა აგრეთვე ვიზიტი გუდასტივრის შემსრულებელთა სახელმწიფო სკოლასა და მუზეუმში, სადაც მსოფლიოს მრავალი ქვეყნის გუდასტივრია წარმოდგენილი. მუზეუმის მდიდარ კოლექციას უკვე ქართული ტრადიციული გუდასტივრი და ჭიბონიც შეემატა. გუდასტივრი დამზადებულია რაჭის რეგიონის კულტურის ცენტრის თანამშრომლის, ბატონ ჯანო გაგოშიძის მიერ, ხოლო, ჭიბონი დაამზადა და წარადგინა კიდეც ბატონმა მურად თავართქილაძემ. ფესტივალზე მიწვეული იყო ბატონი ჯანოც, მაგრამ ობიექტური მიზეზების გამო ვერ შესძლო გამგზავრება. დღეს მხოლოდ მუზეუმიდან წარმოდგენილი ფოტოებით შემოვიფარგლებით, ხოლო მასთან ინტერვიუს მკითხველს უახლოესი ნომრით შევთავაზებთ.

ვულოცავთ და ვუსურვებთ მეტ შემოქმედებით წარმატებებს!



არქივი - ქვეყნის მემკვიდრეობა

დასასრული

გულსატკენია, როცა ვხვდებით ზოგიერთი ადამიანის უპასუხისმგებლო დამოკიდებულების ფაქტებს დოკუმენტებთან ურთიერთობასა და შექმნილი დოკუმენტების შენახვა-მოვლასთან დაკავშირებით.

შევასწავნებთ ნებისმიერ მოქალაქეს, რომ დოკუმენტის შენახვა საქმე თორემ განადგურება იოლი. ყველამ უნდა იცოდეს, რომ თითოეულ ფურცელს ფასეული და ზოგ შემთხვევაში ისტორიული მნიშვნელობა აქვს მომავალში. ვინც ამ საკითხს სწორად ხედავს, ვინც ხელს უწყობს როგორც ინდივიდუალური ადამიანების ისე ორგანიზაციების ისტორიის შექმნას დიდი

მადლობა და პატივისცემა მათ. ასეთი დიდი ადამიანების რიცხვს მიეკუთვნება ქალბატონი **ნანული ქვათაძე**, რომელიც წლების მანძილზე მუშაობდა ამბროლაურის ცენტრალური საავადმყოფოს სამშობიარო განყოფილებაში, სადაც იქმნებოდა სიმართლის წიგნები 1964-2013 წლებში (გარდა 1969 წელი). საავადმყოფოს რეორგანიზაციისა და ახალი საავადმყოფოს აშენების პროცესში შესაძლებელი იყო ეს წიგნები განადგურებულიყო. ამ ქალბატონმა ეს ძალზედ საჭირო დოკუმენტაცია შეინახა, რადგან იცოდა რაოდენ აუცილებელი და საჭირო იყო თითოეული ბავშვის დაბადების ჩანაწერი. და ამ სიმართლის წიგნებით ხდე-

ბა საჭიროების შემთხვევაში ბავშვის ზუსტი დაბადების თარიღის დადგენა, სამოქალაქო რეესტრის თანამშრომლებისათვის დაბადების ჩანაწერების გაცემა. ჩვენ წამოვიღეთ ეს წიგნები დავამუშავეთ და გადაცემულია ქუთაისის ცენტრალურ არქივში, დიდი მადლობა მას ასეთი მეტად საჭირო დოკუმენტების შენახვისათვის. მადლობა მათ ვინც ზრუნავს თითოეულ შექმნილი ფურცლის, სურათის, ნახატის, ნახაზის და სხვა დოკუმენტის შენახვასა და დაცვაზე.

კვლავ მოგმართავთ ყველა მოქალაქეს, ორგანიზაციას, შესაძლებელია თქვენთან ადგილზე იყოს რაიმე ისტორიის მქონე სურათი ან ძველი ჩანაწერი, რომელიც მნიშ-

ვნელოვანია და მოიცავს სოფლის, ადგილის ან სახლის ისტორიას. შეგვეხმინეთ ამბროლაურის ადგილობრივი წარმომადგენლობის იუსტიციის სახლში.

ამბროლაურის ადგილობრივი წარმომადგენლობა კვლავ იზრუნებს საქართველოს ეროვნულ არქივის დაქვემდებარებაში არსებული ორგანიზაციების დოკუმენტების მოძიებასა და არქივში დამუშავებული ფორმით ჩაბარებაზე, რათა მომავალ თაობას ექნეს ნათელი წარმოდგენა ზოგიერთი ისტორიული მნიშვნელობის საკითხებზე.

მანანა ბაპურაძე,
საქართველოს ეროვნული არქივის ამბროლაურის ადგილობრივი წარმომადგენელი

რედაქციის
და
ლარსაპულიძე

რედაქციის მისამართი:
ქ. ამბროლაური,
დავით აღმაშენებლის ქუჩა №24
ტელ: 593 60 40 67

„ამბროლაურის მოამბე“
რეგისტრირებულია ამბროლაურის
სასამართლოს მიერ,
რეგისტრაციის №15/5/103

გაზეთი დაიბეჭდა
ბაკური კიტაძის მიერ
ქუთაისი, წერეთლის ქ. №186.
ტელ: 0431 23 45 54

გაზეთი დამოუკიდებელია და ხელმძღვანელობს თავისუფალი პრესის პრინციპით. რედაქციის აზრი შესაძლოა არ ემთხვეოდეს მასალის ავტორის მოსაზრებებს, ავტორი უპასუხისმგებელია მასალის, ფაქტების, ინფორმაციის სიზუსტეზე, შინაარსსა და სტილზე.